

1. **Veterinarski fakultet u Sarajevu**, sa sjedištem u Sarajevu u ulici Zmaja od Bosne 90, 71000 Sarajevo, JIB: 4200228330004 kojeg zastupa dekan, prof.dr. Nihad Fejzić (u daljem tekstu: Fakultet)
i
2. **JP Nacionalni park „Una“ d.o.o.** sa sjedištem u Bihaću u ulici Bosanska 1, 77000 Bihać, JIB: 4263553380001 kojeg zastupa direktor Amarildo Mulić (u daljem tekstu: Nacionalni park „Una“) zaključili su dana 17.04.2018. godine sljedeći:

U G O V O R

o nastavnoj, naučnoj i stručno razvojnoj saradnji

I PREDMET I CILJEVI UGOVORA

Član 1.

Svrha ovog Ugovora je reguliranje uslova i načina nastavne, naučne i stručno-razvojne saradnje između ugovornih strana.

Glavna područja saradnje u okviru ovog Ugovora, a u skladu i na način kako je to propisano zakonskim propisima iz oblasti veterinarstva, zaštite i dobrobiti životinja, visokog obrazovanja i naučno-istraživačkog rada, biti će sljedeća:

- edukacija studenata Fakulteta i izvođenje praktične nastave na području Nacionalnog parka „Una“;
- naučno-istraživački rad;
- priprema projektnih prijedloga i zajednički nastup na nacionalnim i međunarodnim konkursima;
- ispitivanje i utvrđivanje zdravstvenog statusa životinja i po potrebi dijagnostički, preventivni i terapijski zahvati nad životinjama koje obitavaju na području Nacionalnog parka „Una“;
- druge aktivnosti u skladu sa registriranim djelatnostima ugovornih strana.

II OBAVEZE UGOVORNIH STRANA

Član 2.

Nacionalni park „Una“ će na osnovu ovog ugovora omogućiti:

- pristup studentima, nastavnicima i saradnicima Fakulteta, u skladu sa planom i programom nastave koji će se dostavljati na početku akademske godine, a sve u cilju poboljšanja kvaliteta nastavnog procesa studija veterinarske medicine;
- provođenje naučnih istraživanja koje će omogućiti povećanje znanja, razvoj kapaciteta i vlastitih resursa, ispunjavanje međunarodnih obaveza, umrežavanje u evropski prostor i promociju Nacionalnog parka „Una“ i Fakulteta;
- da sve planirane i odobrene aktivnosti Fakulteta u Nacionalnom parku „Una“ budu u skladu sa svim važećim propisima, planskim dokumentima i načelima koji se tiču zaštite prirode i zaštićenih područja.

Član 3.

U cilju realizacije ovog Ugovora Fakultet se obavezuje da će za Nacionalni park „Una“ obavljati:

- dijagnostičke, preventivne i terapijske zahvate u skladu sa potrebama Nacionalnog parka „Una“, a sve u dogovoru s dekanom Veterinarskog fakulteta u Sarajevu;
- staviti na raspolaganje u realizaciji projektnih aktivnosti ekspertizu i dijagnostičke laboratorije, a posebno ekspertizu, znanja i vještine iz oblasti konzerviranja divljih životinjskih vrsta koje obitavaju u području Nacionalnog parka „Una“.

Član 4.

Temeljem ovog Ugovora i opredijeljenosti ugovornih strana za dugoročnu saradnju sa ciljem razvoja kapaciteta i ispunjavanja poslovnih ciljeva, posebnim aneksom će se regulisati međusobne finansijske obaveze u dijelu saradnje koja se odnosi na stručno-operativni rad i korištenje laboratorijskih i ekspertnih kapaciteta Veterinarskog fakulteta u Sarajevu koji se stavljaju na raspolaganje JP Nacionalni park „Una“ d.o.o.

Član 5.

Ovaj Ugovor se zaključuje na vremenski period od 2 (dvije) godine računajući od dana potpisivanja uz mogućnost produžetka ugovora za 2 (dvije) godine uz prethodno pribavljenu saglasnost ugovornih strana.

III PRIJELAZNE I ZAVRŠNE ODREDBE

Član 6.

Sve naknadne izmjene ovog Ugovora će biti sačinjene u pisanoj formi u vidu aneksa na Ugovor uz saglasnost ugovornih strana koje postaju sastavni dio ugovora kada ga potpišu ugovorne strane.

Član 7.

Eventualno sporna pitanja iz ovog Ugovora, ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost Općinskog suda u Sarajevu.

Član 8.

Ugovorne strane su saglasne da ovaj Ugovor i obaveze koje iz njega proističu stupaju na snagu danom potpisivanja i ovjere.

Član 9.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Veterinarski fakultet u Sarajevu

Prof.dr. Nihad Fejzić, dekan

Broj: 07-04-28-39



JP Nacionalni park „Una“ d.o.o.

Amarildo Mulic, direktor



Broj: 01-0962/18
Datum: 17.04.2018. 2